



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Tum adducitur exemplum Episcoporum Gallicanorum, qui Hincmari Remensis ordinationem confirmari petunt à Sergio. Sed id trahi non potest in consequentiam, cùm ob gravem causam ita fieri ...

urn:nbn:de:hbz:466:1-15617

stebat Summum Pontificem consentire consecrationi jam peractae. quod Cyprianus, de episcopatu Pape Cornelij loquens, his verbis explicat, ut dicat ejus electionem consensione Cypriani & reliquorum Episcoporum esse firmatam. Quippe usū receptum erat per illas tempestates ut Patriarchæ, & ipse etiam Romanus Pontifex recens electus, litteras de sua ordinatione mitterent; quibus addebat profilio fidei, in synodis eorum epistolis concrypta. Cum itaque Papæ Vrbis redditæ essent relationes quæ harum ordinationum gesta continerent, is literas communicatorias scribebat ad Patriarchs, nisi admonitus fuisset extare aliquid impedimentum canonicum in persona electi. Quo casu, communionem ei suam ad tempus denegabat; ut factum est à Simplicio in causa Patriarchæ Alexandrini recens electi.

III. Adduci deinde potest adversus regulam à nobis propositam exemplum Ecclesiæ Thessalonicensis, quæ eo jure fruebatur, ut Metropolitanus Illyrici orientalis tenerentur ad Episcopum Thessalonensem mittere relationem de sua ordinatione. Quippe temporibus Hormisdæ Summi Pontificis, Dorotheus Episcopus Thessalonensis acriter ultus est injuriam sedi sua factam ab Episcopo Metropolitanus Nicopoleos in Epiro, qui officium illud omiserat post consecrationem suam. Dorothei facinus illud improbarit Hormisda, eo prætextu, quod cum Episcopus Thessalonensis se abstinueret ab Ecclesiæ Romana communione, Metropolitanus omiserat veterem consuetudinem, ut sedis apostolicae communionem promere retur, non autem ut consuetudinem violaret. Obstat nobis, inquit Hormisda, epistolam Iohannis Episcopi sui, & aliam synodi subjacentis Ecclesiæ Nicopolitane, qua queruntur ab Episcopo Thessalonensi excitatas adversus se tam principales quæ judicarias potestates, concusionibus & dispendiis se vehementer affligi, propter hoc quia de ordinatione sua ad Episcopum relationem secundum prisca exempla non miserit. Item in epistola XXI. Non igitur consuetudo est neglecta, sed vitata contagia. Tendum hoc repelli potest nullo negotio, si priuatam Episcopi Thessalonicensis consuetudinem spectemus, qui jus exarchicum sive patriarchicum obtinebat in Diocesim Illyricianam. Antiquitus itaque jus illud ei competitabat ut Metropolitanus suæ Diocesis ab eo ordinarentur, aut, de consensu ejus, ab Episcopis comprovincialibus. Ita enim ad Anastasium Thessalonensem recripsit Leo primus: *De cuius nomine ad tuam notitiam provinciales referant sacerdotes, impleturi vota poscentium, cum quod ipsis placuit,*

tibi placuisse cognoverint. Ius autem illud ad Episcopum Thessalonensem spectabat secundum veterem Ecclesiæ suæ consuetudinem, non verò ratione vicariatus sibi à Summis Pontificibus concessi in his regionibus. Vicariatu enim illo non tam nova auctoritas tribuebatur Ecclesiæ Thessalonensi quamcumcumulative juris; quemadmodum alibi accurate explicò. Ius illud nihilominus aliquantulum infregerat consuetudo contraria à temporibus Hormisdæ, id est, octuaginta annis post Leonem. Moris quippe in posterum non fuit ut ab Episcopo Thessalonensi peteretur libertas ordinandi Metropolitanum, cui satis esse putabant, si de ordinatione ad eum referretur. Illud tamen trahi non debet in consequentiam quoad Metropolitanos qui tali consuetudini non erant subjecti.

IV. Tertiò opponi posset Concilium Suescionense habitum anno DCCCLII in quo Hincmarus Remensis Archiepiscopus, ut probaret electionem & ordinationem suam canonice celebratam esse, ostendit epistolam ab Episcopis Gallicanis ad Serium Papam scriptam pro confirmatione ordinationis Hincmari: *Porrexit etiam epistolam totius Gallie Episcoporum subter scriptam ad apostolicam sedem pro confirmatione ipsius ordinationis.* Sed non inde sequitur jus illud ordinarium fuisse in Gallia ut necessaria esset Summi Pontificis confirmatio pro ordinatione Metropolitanus. At in causa Hincmari necessarium fuit hoc obsequij & reverentiae genus. Ebbo Remensis Archiepiscopus, in cuius cathedra sedebat Hincmarus, adhuc vivebat; & licet ab episcopatu dejectus fuisset, semper tamen sperabat eam Ecclesiæ sibi restitutum iri, adeo ut post depositionem ei reddita fuerit auctoritate Lotharij Imperatoris. Nihilominus eam postea dereliquit; neque intercessit ordinationi duorum Archiepiscoporum qui post abdicationem ejus eam per XXVIII. menses obtinuerunt, nec aliquid turbarum adversus illos excitavit. Quam ob rem synodus nationalis Belvacensis sancivit ut Episcopus in Ecclesia Remensi ordinaretur. Hincmarus igitur cleri ac populi civitatis suffragii electus, in synodo ordinatus est ab Episcopis comprovincialibus, quam ordinationem regio diplomatica confirmavit Karolus Calvus. Episcopi verò Gallicani literas ad Serium Papam scripsere ut judicium eorum & ordinationem dein peractam à sede apostolica approbari peterent. Quod ea de causa factum est ut omnis Eboni via præcluderetur quod minus Summi Pontificis auctoritate causa ejus retractaretur. id enim ab eo tentari intelligebant. quod & aliquot post annis obtinuit,

sed prorsus inutiliter. Approbatio igitur illa quam à Sergio Papa postulabanti Episcopi, necessaria erat pro ordinatione Hincmaris, & ad infringendos conatus Ebbonis, non autem ad hoc tantum ut Metropolitani ordinatio confirmaretur à sede apostolica. Sanè ordinationem illam Leoni IV. placuisse, & ab eo approbatam esse, docet Hincmarus in scedula à se porrecta Concilio Suectionensi III. anno DCCCCLXVI. ubi etiam scribit Pallij usum sibi à Leone concessum.

CAPVT VI.

Synopsis.

I. De Pallio dato Metropolitanis. Ejus concessio paulatim infregit eorum libertatem & synodorum provincialium auctoritatem. Origo ejus satis vetusta. Ea tamen qua hodie usurpanur, antiquitati prorsus ignota fuere. Diferentia antiqui & novi juris.

II. Pallium olim longè aliud erat quād illud quo hodie uimur. Erat autem genus quoddam imperatorij indumenti. Ante Zachariæ Pontificis tempora non tribuebatur universis Galliarum Metropolitanis.

III. Descriptio Pallij hodierni & antiqui. Vetus à Latinis constantem appellatum est Pallium; à Graecis verò ὅμοφόριον & περόνιον. Omophorij vox ambigua. Quippe interdum significat uestem laneam quam Episcopi deferunt extra sacrificij tempora.

IV. Alias Omophorion accipit pro indumento Patriarcharum. Ejus descriptio. Augusta erat hac uestis. Ex Pelagio I. & Gregorio Magno.

V. Pallium illud erat verè pallium, non autem exigua fascia; ut patet ex Liberato & Ioanne Diacono.

VI. Pallij usus Patriarchis permisus ab Imperatoribus. Id Ecclesia Romana facetur. De donatione Constantini.

VII. Explicantur verba donationis. Card. Baronius notatus. Phrygium est ornamentum capitum, quod mitram vocamus. Lorum non est Pallium. Lora id est, fascia. Tunica dilores & trilores apud Fl. Vopiscum.

VIII. Chlamys, id est, Pallium imperiale. Cuiusmodi illud fuerit. Pelagi I. & sanctus Gregorius illistrati.

IX. De Sacco, Stichario, & Phenolio. Saccum omnium optimè referebat Pallium Latinorum. Forma ejus describitur, ex Balsamone, & Gregorio Chomateno.

X. Pallium esse beneficium Imperatorum probatur etiam ex Liberato. Pallium Avelatenibus Episcopis tribuum, cum consensu Imperatorum. Gregorio tamen primo sufficere visus est consensus Regis Childeberti. Necesse illa consensus Imperatoris honorificissima est pro Summo Pontifice.

XI. Baronius notatus, qui Pallium ait esse indumentum ecclesiasticum. Aestate Theodosij Pallium non erat in usu apud Ecclesiam. Anastasius Bibliothecarius notatus.

Post explicatam superiori capite priorem Glossæ observationem, su-

pereft ut ad secundam veniamus. Cum itaque ibi scriptum sit nonnullos esse Metropolitanos qui non confirmantur à Papa, sed tamen ab eo Pallium accipiunt, observationes & ipse meas circa hanc materiam proponam; qua magni est momenti, ob argumenta quæ inde peti possunt.

Optabant sanè olim Summi Pontifices ut omnes Metropolitani qui ad eorum patriarchatum pertinebant aliquod confirmationis genus à sede apostolica acciperent. Verum quia ubique receptum erat consecrationes fieri posse extra Italiam absque eorum consensu, vim ei legi palam adferre noluerunt; sed Metropolitanos rei cuiusdam novæ miraculo velut obstupefecerunt; quæ in initio magnifica, paulatim tamen antiquam eorum libertatem per cuniculos infregit, & synodorum provincialium auctoritatem perfundedit. De Pallij usulo loquor: cujus origo cum sit satis vetusta, effectus tamen ejus, & cetera qua nunc usurpantur, antiquitati prorsus ignota fuere. Quippe Galliarum Metropolitani statim post ordinationem suam exercebant functiones sui munera, iuxta canones antiques. At jus novum eos prohibet quicquam pontificalis officij attinere donec à sede apostolica missum ad eos fuerit Pallium, de corpore beati Petri sumptum.

II. Cum materia isthac digna sit eruditorum hominum curiositate, dicam primum quid ipse sentiam de origine Pallij; tum apriam quo primum tempore necessitas ejus introducta sit. At mihi quidem tria principia notata digna observasse videor. Primum, initio Pallium alia prorsus forma compositum fuisse quād illud quod hodie in usu habetur. Secundūm, (quod nonnulli viri eruditi subdorati sunt, neque tamen satis probavere) Pallium antiquitus fuisse genus quoddam imperatorij indumenti, cuius usum Imperatores permisere Patriarchis, à quibus deinde communicatum est cum Metropolitanis. Tertiūm, illud non fuisse tributum universis Galliarum Metropolitanis ante tempora Zachariæ Pontificis Romani, id est, ante annum circiter septingentesimum quadragesimum quartum.

III. Igitur in anteceßum statuere debemus Pallium hodiernum nihil aliud esse quād fasciam laneam candidam, in modum circuli contextam, quæ super humeros impunitur: ex quo circulo impendet pectori fascia similis, & alia ex adverso inter humeros demittitur; utraque habens crucem rubræ, præter eas quæ in ipso circulo extant super humeros. Pallium autem illud alligatur ope trium acicularum aurearum sive spinularum